



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-11-3-4242-14/25
Datum: 23.01.2026.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) i Zapisnika o pregledu i ocjeni ponuda od 22.01.2026.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU
o izboru najpovoljnijeg ponuđača

I

Najpovoljnije ponude za radove u predmetu nabavke „Radovi na izgradnji objekta rezervoara R3 Jablanica vodovoda Jablanica-Karadaglije i Nastavak izgradnja kanalizacije Šije, glavni kolektor općina Tešanj“ po lotovima su kako slijedi:

lot-1 Izgradnja objekta rezervoara R3 Jablanica vodovoda Jablanica Karadaglije, za ponuđenu cijenu u iznosu bez PDV-a od 170.340,11 KM (slovima: stotinusedamdesethiljadatristotinečetdeset i 11/100 konvertibilnih maraka) odnosno sa PDV-om u iznosu od 199.297,92 KM (slovima: stotindevedesetdevethiljadadvijestotinedevadesetsedam i 92/100 konvertibilnih maraka) je ponuda ponuđača KM GRADNJA doo Tešanj;

lot-2 Nastavak izgradnje kanalizacije Šije (glavni kolektor) općina Tešanj za ponuđenu cijenu u iznosu bez PDV-a od 127.452,00 KM (slovima: stotinu dvadesetsedamhiljadačetiristotinepedesetdvije i 00/100 konvertibilnih maraka) odnosno sa PDV-om u iznosu od 149.118,84 KM (slovima: stotinučetdesetdevethiljadastotinu osamnaest i 84/100 konvertibilnih maraka) je ponuda ponuđača Grupa SULEX vl.Hafizović Sulejman i INŽINJERING doo Jelah;

II

Ponude su dostavljene u otvorenom postupku koji je objavljen na Portalu javnih nabavki dana 18.12.2025.godine pod brojem: 375-1-3-172-3-171/25, obavještenje o nabavci objavljeno u sl.glasniku BiH broj:78/25 dana 26.12.2025.godine, kriterij za dodjelu ugovora je najniža cijena.

III

Obavezuju se izabrani ponuđači (ukoliko uz ponudu nisu dostavili) da u roku od 5 dana od dana prijema ove Odluke dostave ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponude ponuđača UNI Bau doo Klokotnica i Konzorcij DŽEVKOMERC INŽINJERING doo Zavidovići i DKM GRADNJA doo Maglaj su nepravilne iz razloga što ponuđači ponude nisu dostavili u formi kako je to propisano tenderskom dokumentacijom, te su ponude u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) odbačene.

V

Za realizaciju Odluke zadužuju se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za radove „Radovi na izgradnji objekta rezervoara R3 Jablanica vodovoda Jablanica-Karadaglije i Nastavak izgradnja kanalizacije Šije, glavni kolektor općina Tešanj“ pokrenut je Odlukom o pokretanju postupka broj: 02-11-3-4242-2/25 od 12.12.2025.godine, odabran je otvoreni postupak sa podjelom na lotove (2 lota). Nabavka je objavljena na Portalu javnih nabavki dana 18.12.2025.godine pod brojem: 375-1-3-172-3-171/25, obavještenje o nabavci objavljeno u sl.glasniku BiH broj:78/25 dana 26.12.2025.godine, kriterij za dodjelu ugovora je najniža cijena, procijenjena vrijednost javne nabavke je 300.000,00KM.

U ostavljenom roku za dostavu ponuda pristiglo je 6 (šest) ponuda i to: ponuda UNI Bau doo Klokotnica (lot-2), ponuda Grupa SULEX vl.Hafizović Sulejman i INŽINJERING doo Jelah (lot-2), ponuda ELEZ CONSTRUCTION doo Tešanj (lot-1), ponuda DOBOJPUTEVI DD Doboj Jug (lot-2), ponuda Konzorcij DŽEVKOMERC INŽINJERING doo Zavidovići i DKM GRADNJA doo Maglaj (lot-1 i lot-2) i ponuda KM GRADNJA doo Tešanj (lot-1).

Komisija za javne nabavke imenovana rješenjem Općinskog načelnika broj: 02-11-3-4242-4/25 od 29.12.2025. godine izvršila je dana 14.01.2026.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda prosljedila svim ponuđačima. Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su četiri ponude formalno ispravne kao i jedna ponuda koja je samo za lot-1 formalno ispravna i da se kao takve mogu ocjenjivati u skladu sa zahtjevom za dostavu ponuda.

Kako je tačkom 5.1. Tenderske dokumentacije predviđeno da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude, to je ugovorni organ zakazao E-aukcija za dan 20.01.2026.godine od 09:00 sati za lot-1 i od 09:30 sati za lot-2 sa vremenskim trajanjem od 10 (deset) minuta.

Iz Izvještaja o toku i završetku E-aukcije od 20.01.2026.godine vidljivo je rangiranje ponuđača na Konačnoj rang listi ponuđača koji su učestvovali u E-aukciji po lotovima koju listu je u Zapisniku o pregledu i ocjeni ponuda predložila i Komisija, kako slijedi:

lot-1 Izgradnja objekta rezervoara R3 Jablanica vodovoda Jablanica Karadaglije

1. KM GRADNJA doo Tešanj
2. Konzorcij DŽEVKOMERC INŽINJERING doo Zavidovići i DKM GRADNJA doo Maglaj
3. ELEZ CONSTRUCTION doo Tešanj

lot-2 Nastavak izgradnje kanalizacije Šije (glavni kolektor) općina Tešanj

1. Grupa SULEX vl.Hafizović Sulejman i INŽINJERING doo Jelah
2. DOBOJPUTEVI DD Doboj Jug

Komisija je kod ocjene ponuda takođe utvrdila da dvije ponude nisu formalno ispravne, kako slijedi:

- ponuđač UNI Bau doo Klokotnica ponudu broj:1-1/26 od 09.01.2026.godine nije uvezao na način kako je to propisano tenderskom dokumentacijom. Naime tačka 15. tenderske dokumentacije propisuje da se „ponuda čvrsto uvezuje na način da se onemogućí naknadno vađenje ili umetanje listova. Čvrsto uvezanom ponudom smatrat će se ponuda sa provučenim i opečaćenim jamstvenikom, odnosno uvezana na način da se onemogućava neovlaštena izmjena ponude (naknadno umetanje ili zamjena listova ponude). Ponuda se NEĆE smatrati čvrsto uvezanom ukoliko bude dostavljena u plastičnoj fascikli (ili bez plastične fascikle) sa mehanizmom koji se neometano otvara“. Ponuda ponuđača UNI Bau doo Klokotnica dostavljena je u plastičnoj fascikli sa mehanizmom koji se neometano otvara, odnosno dostavljena je na način da u istoj nije onemogućeno naknadno vađenje ili umetanje listova, te je komisija smatrala da je ova ponuda formalno neispravna;

- ponuđač Konzorcij DŽEVKOMERC INŽINJERING doo Zavidovići i DKM GRADNJA doo Maglaj ponudu broj:001/2026 od 05.01.2026.godine koju je dostavio za lot 1 i lot 2 nije dostavi na

način kao je to propisano tačkom 16. tenderske dokumentacije, naime ponudu za oba lota dostavio je u jednoj zajedničkoj koverti. Tačkom 16. tenderske dokumentacije je propisano da „Ponudač koji dostavlja ponudu za više lotova ima pravo da izjave o ispunjavanju uslova za kvalifikaciju da ispunjava uslova iz člana 45. Zakona i dokaz o registraciji, sa pripadajućim izjavama dostavi u jednoj ponudi, prvoj po rednom broju lota na koji se prijavljuje iz razloga što se u konkretnoj nabavci netraže po lotovima različiti uslovi u vezi sa ekonomskom i finansijskom sposobnošću, odnosno profesionalnom i tehničkom sposobnošću. Ponude za sve lotove na koje se prijavljuje ponudač dostavlja u posebnim kovertama na kojima mora biti naznačeno na koji lot se ponuda odnosi“. Kako ponudač Konzorcij DŽEVKOMERC INŽINJERING doo Zavidovići i DKM GRADNJA doo Maglaj ponude za lot 1 i lot 2 nije dostavio u razdvojenim kovertama to je komisija odlučila da se ponuda za lot 1 smatra formalno ispravnom a ponudu za lot 2 je odredila kao formalno neispravnu, te su ponude u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) odbačene.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom načelniku Općine Tešanj (Zapisnik o pregledu i ocjeni ponuda broj: 08-11-3-4242-13/25 od 22.01.2026. godine), da se u predmetu javne nabavke radova „Radovi na izgradnji objekta rezervoara R3 Jablanica vodovoda Jablanica-Karadaglije i Nastavak izgradnja kanalizacije Šije, glavni kolektor općina Tešanj“ sa podjelom na lotove donese Odluka o izboru najpovoljnijih ponuđača i da se kao najbolje ocijenjene prihvatljive ponude za radove prema lotovima izaberu, ponuđači: KM GRADNJA doo Tešanj za lot-1 Izgradnja objekta rezervoara R3 Jablanica vodovoda Jablanica Karadaglije a za lot-2 Nastavak izgradnje kanalizacije Šije (glavni kolektor) općina Tešanj ponuđač Grupa SULEX vl.Hafizović Sulejman i INŽINJERING doo Jelah, kako je to navedeno u tački 1. ove odluke.


Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) kao najpovoljniji u postupku nabavke radova „Radovi na izgradnji objekta rezervoara R3 Jablanica vodovoda Jablanica-Karadaglije i Nastavak izgradnja kanalizacije Šije, glavni kolektor općina Tešanj“ su ponuđači po lotovima kako slijedi: za lot-1 Izgradnja objekta rezervoara R3 Jablanica vodovoda Jablanica Karadaglije je ponuđač KM GRADNJA doo Tešanj za ponuđenu cijenu u iznosu bez PDV-a od 170.340,11 KM (slovima: stotinusedamdesethiljadatristotinečetdeset i 11/100 konvertibilnih maraka) odnosno sa PDV-om u iznosu od 199.297,92 KM (slovima: stotinodevedesetdevethiljadadvijestotinedevedesetsedam i 92/100 konvertibilnih maraka) a za lot-2 Nastavak izgradnje kanalizacije Šije (glavni kolektor) općina Tešanj je ponuđač Grupa SULEX vl.Hafizović Sulejman i INŽINJERING doo Jelah za ponuđenu cijenu u iznosu bez PDV-a od 127.452,00 KM (slovima: stotinu dvadesetsedamhiljadačetiristotinepedesetdvije i 00/100 konvertibilnih maraka) odnosno sa PDV-om u iznosu od 149.118,84 KM (slovima: stotinučetdesetdevethiljadastotinuosamnaest i 84/100 konvertibilnih maraka), dakle izabrani su ponuđači iz tačke I ove Odluke, u skladu sa cijenama navedenim u ponudama i postignutim na E-aukciji.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14, 59/22 i 50/24).

Dostavljeno:

1. Ponuđači x 6,
2. Služba za društvene djelatnosti i investicije, općine Tešanj,
3. web stranica općine, elektronski,
4. Predmet.

Q. Husekovic


OPĆINSKI NAČELNIK

mr.sc. Suad Huskić

